

## Evening Gojri News

21 August 2024

1700 Hrs

یوہ آکا شوانی جموں ہے محمد سفیر تے ظفر اقبال تیں خبر سُنو۔ پہلاں خاص خاص خبر۔

\*\*\*\*\*

\*1- وزیر اعظم نریندر مو دی نے کہیو ہے جے پولینڈ سینٹرل یورپ مانہ بہارت غو اہم معاشی شراکت دار ہے۔ جناب مو دی نے مزید کہیو ہے جے بہارت پولینڈ غی جمہوریت بارے دو طرفہ وعدہ بندی تے دوہاں ملکاں غا رشتہ بور ڈونگا کیا ہیں۔

\*2- مرکزی وزیر ڈاکٹر جتندر سنگھ نے کہیو ہے جے 23 اگست نانہہ ملک پہر مانہہ پہلوا خلائى تہاڑو منایو جائے گو۔

\*3- بہارت مانہہ یو رپی یونین غا سفیر ہا ری ڈلفین نے کہیو ہے جے سانجھا طور ر ور مل جُل غے علاقائی مدد نال دہشت گرداں تے علیحدگی پسنداں غی طرفوں انٹرنیٹ غا استعمال کرن غی روک تھام بارے کم کرن غی لوڑ ہے۔

\*4- چنایو ضابطہ اخلاق غی غی خلاف ورزی کرن آلاں غے خلاف نظر رکھن واسطے اعلیٰ چنایو افسر غا دفتر نے جموں تے سرینگر مانہہ کمانڈ تے کنٹرول سینٹر قائم کیا ہیں۔

\*\*\*\*\*

خبران غی تفصیل نال پہلاں محمد سفیر۔

### PM Poland

وزیر اعظم نریندر مو دی بہارت غا تعلقات غی بہتری غی خاطر یو کرین تے پولینڈ غا دورہ ور روانہ ہو گیا ہیں۔ وے اج شام پولینڈ پُجن تیں بعد موٹھی کسینو جنگ غا شہداء نانہہ جام صاحب نواں نگر میموریل تے کولا پور میموریل غا مقام ور خراج عقیدت پیش کریں گا۔ اور بعد مانہہ وُسو غا مقام ور بھارتی برادری غا لوکاں نال ملاقات کریں گا۔ انہاں نے اپنی روانگی بیان مانہہ اظہار کیو ہے جے پولینڈ بہارت غو اہم معاشی شراکت دار ہے۔ اور دوئے ملک جمہوریت تے کثرت غا فروغ غی خاطر وعدہ بند ہیں۔ اور انہاں نے اظہار کیو ہے جے انہاں غو یوہ دورہ بہارت پولینڈ غا آپسی تعلقات غا 70 سال پورا ہون غا تناظر مانہہ کیو جا رہیو ہے۔ اس دوران وے اپنا ہم منصب ڈونلڈ ٹسک تے صدر انڈریز ڈڈہ نال وی ملاقات کریں گا۔ یا درہ جے 45 سالوں تیں بعد وزیر اعظم نریندر مو دی پولینڈ غو دورہ کرن آلا پہلا وزیر اعظم ہیں۔ یوکرین دورہ بارے اظہار کرتاں و ان وزیر اعظم نریندر مو دی نے دسیو جے وے یوکرین غا صدر ولا دی میر زلنسکی غی دعوت ور جا رہیا ہیں اور 1992 تیں بعد ہُن تک وے یو کرین جان آلا پہلا وزیر اعظم ہیں۔ انہاں نے اظہار کیو ہے جے وے صدر زلنسکی نال ملاقات کر غے دو طرفہ تعلقات ور گل بات کریں گا اور یوکرین مانہہ چل رہی بد امنی غو پُر امن طریقہ کار نال حل کڈھن بارے وی گل بات کریں گا۔ انہاں نے اظہار کیو ہے جے مذکورہ دورہ دوہاں ملکاں گا وسیع رابطاں غا فطری تسلسل غا طور ور کم کرے گو اور آئندہ سالوں مانہہ تعلقات نانہہ مزید مضبوط بنان مانہہ مدد گار ثابت وے گو۔

\*\*\*\*\*

### Jatninder Singh

پہلو قومی خلائى تہاڑو آئندہ 23 اگست نانہہ ملک پہر مانہہ منایو یو جائے گو۔ اس دن گو موضوع ہے

"Touching lives while touching the moon: India space saga"

جہیڑو معاشرہ تے ٹیکنالوجی ور خلائى تحقیق غا گہرا اثرات ور زور دے۔ اس بارے بہارت منڈپم نوی دہلی مانہہ منعقد ہو رہیا پروگرام گو افتتاح صدر جمہور ریہ درویدی مُرمو کریں گی۔ اس بارے

ذرائع ابلاغ نال گل کرتاں واں خلاء با رے وزیر مملکت ڈاکٹر جتندر سنگھ نے دسیو جے 23 اگست 2023 نانہہ بی مشن چندریان 3 غو لینڈر وکرم چن غی سطح ور پُجیو تھو۔ انہاں نے کہیو جے اس غے نال بھارت چن ور پُجن آلو دُنیا گو چوتھو مُلک ہے۔ اور چن غا کُره جنوب ور پُجن آلو دُنیا غو پہلو مُلک ہے۔ وزیر موصوف نے دسیو جے اس غے نال بھارت غی خلائى معیشت آندہ دس سالان مانہہ 5 درجہ بدھ غے 44 ارب ڈالر ہو جائے گی۔ مہارا نمائندہ نے دسیو جے وزیر اعظم نریندر مو دی نے اعلان کیو ہے جے مزکورہ تہاڑو قومی خلائى تہاڑا غا طور ور منایو جا ئے گو۔ جس نال خلائى میدان مانہہ حاصل کی گئی کامیابی آجاگر کی جائے گی۔ اور یوہ دن طلباء مانہہ خلائى سائنس تے ٹیکنالوجی با رے دلچسپی پیدا کر غے آن آلی نسلان نانہہ متاثر کرن واسطے وقف ہے۔

\*\*\*\*\*

### Rajnath Singh

مرکزی وزیر دفاع راجناتھ سنگھ آندہ جمعہ تیں 4روزہ دورہ ور امریکہ جا ربیا ہیں۔ اس دورہ غے دوران وے اپنا ہم منصب سیکریٹری اسٹین نال ملاقات کر غے دو طرفہ معاملات ور گل بات کریں گا۔ اس با رے وزارت دفاع نے کہیو ہے جے یوہ دورہ امریکہ غا دفاعی شعبہ مانہہ بدھتا تعلقات غے پیش نظر کیو جا رہیو ہے۔ اور توقع کی جا رہی ہے جے اس دورہ سنگ دوہاں مُلکان غا آپسی تعلقات مانہہ مزید گہرائی تے مضبوطی وے گی۔ اس موقعہ ور وزیر موصوف دفاعی آلات بنان مانہہ اشتراک غے پیش نظر امریکہ غی دفاعی صنعت غا اعلیٰ عہداران نال گول میز میٹنگ وی کریں گا اور امریکہ مانہہ رہ رہیا بھارتی شہریاں سنگ وی گل بات کریں گا۔

\*\*\*\*\*

### Goyal E Commerce

صنعت و تجارت غا وزیر پیوش گوئل نے مُلک پھر مانہہ 100 ملین توں زیا دہ تھوک ور سامان خریدن آلاں غی سہولت واسطے ثابت قدم چایا ہیں۔ روزگار تے لین دین کرن آلاں غی فلاح و بہبود اجلاس غو افتتاح اج نوی دہلی مانہہ کرتاں واں جناب گوئل نے کہیو جے مُلک پھر مانہہ متی تعداد مانہہ خردہ فروش طبقہ موجود ہیں جہیڑا جے اپنو کاروبار بدھانو چاویں۔ انہاں نے گل بات کرن غے دوران کہیو جے مُلک مانہہ مچ سارا لوگ اجاں وی ایسا ہیں جہیڑا جے ای کا مرس غی مدد نال کم نہیں کر رہیا ہیں جد کہ وے اجاں وی پُرانا رسمی طرز ور کم کرنو پسند کریں۔ انہاں نے کہیو جے نوی تکنیک غو استعمال کر غے لین دین کرن آلاں نوی ایجاد کر غے مُلک گا لوکاں غی ضرورت نانہہ پوری کر سکیں۔

\*\*\*\*\*

### Meghwal Workshop

قانون تے انصاف غا مرکزی وزیر ارجن رام میگھوال نے لوکاں غی حوصلہ افزائی کرتاں واں کہیو ہے جے وے اپنا دفتران مانہہ اک ایسو ماحول قائم کریں جس نال دفتران مانہہ اُن غا ساتھیان غی دیکھ بھال ہو سکے۔ انہاں نے یہ گل اج نوی دہلی مانہہ خوشحال تے صلاحیت سازی با رے ورکشاپ غی افتتاحی تقریب مانہہ کہی۔ جس مانہہ ملازماں غی حوصلہ افزائی وی کی گئی۔ مرکزی وزیر نے کہیو جے ملازماں نانہہ اک ایسو ماحول قائم کرنو چاہیے جس مانہہ اُن غی زندگی توں تناؤ کھٹ ہو سکے تے اس طرح وے اک خوشحال زندگی بسر کر سکیں۔

\*\*\*\*\*

## India UN Conference

یورپی یونین غا بھارت مانہ سفیر ڈلفین بیروی نے کہیو ہے جے سانجھا طور مل جُل غے علا قہ توں دہشت گردی تے عسکریت پسنداں گو خاتمو کیو جا سکے۔ نویں دہلی مانہ اک اجتماع سنگ خطاب کرتاں واں یورپی یونین نے بھارت کا نفرنس مانہ خطاب کرتاں واں انہاں نے یورپی یونین غی طرفوں دہشت گردی غا خاتمہ واسطے کی جان آلی کوششاں نانہہ اُجاگر کرتاں واں کہیو جے دہشت گردی غا خاتمہ واسطے م سب نانہہ مل جُل غے کم کرن غی لوڑ ہے۔ بھارت غا سابقہ خارجہ سیکریٹری تے حال ہی مانہ جواہر لال نہرو یونیورسٹی گا چانسلر ڈاکٹر کنول سبیل نے کہیو جے 2 تہاڑاں ور مشتمل بحث نے آن لائن دہشت گردی گا مواد نانہہ موضوع بحث آن نانہہ کا رگر دسیو ہے۔ قابل ذکر ہے جے یورپی یونین نے عالمی سطح ور دہشت گردی غی روک تھام بارے بنائی گئی کونسل تے وزارت خارجہ سنگ مل غے 2 تہاڑاں ور مشتمل یورپی یونین تے بھارت ٹریک 1.5 کا نفرنس رکھی تھی جھیڑی جے دہشت گرداں گا آن لائن کم کاج کرن تے اُس غی روک تھام بارے جانکاری دین بارے ہے۔

\*\*\*\*\*

## JK PSC Last Date Extend

جموں کشمیر پی ایس سی نے سال 2024 واسطے مقابلہ جاتی امتحانات غا فارم بھرن غی آکری تاریخ 21 اگست تیں بدھا غے آخری تاریخ 31 اگست رکھی ہے تانجے رہ گیا امید وار اپنو اندراج برائے راست کرا سکیں۔

\*\*\*\*\*

یہ خبر تم آکا شوانی جموں تیں سُن رہیا ہیں خبراں غا باقی حصہ نال ظفر اقبال۔

## CCC JK

جموں کشمیر مانہ آئندہ اسمبلی انتخابات مانہ غلط معلومات غا پھیلاؤ ور روک لان تے چناوی عمل غی سالمیت برقرار رکھن غی خاطر چیف الیکٹورل افسر غا جموں تے سرینگر دفتران مانہ کمانڈ تے کنٹرول مراکز قائم کیا گیا ہیں اور اسے طرح غا کنٹرول روم یوٹی گا تمام ضلع ترقیاتی کمشنراں گا دفتران مانہ وی قائم کیا گیا ہیں جھیڑا ور ویلے کم کاج غی نگرانی کریں گا اور انتخابات غے دوران غلط معلومات پھیلان غے خلاف فوراً کاروائی وی کی جائے گی جموں کشمیر چیف الیکٹورل افسر غا دفتر تیں جاری کیا گیا بیان مانہ اس بارے اظہار کیو گیو جے مذکورہ مراکز غے تحت غی کُل 90 نشستیں غا انتخابات ور نگرانی رکھی جائے گی۔ الیکٹرانک چینلاں غے علا وہ سماجی میڈیا چینل تے پورٹل ور وی نظر رکھی جائے گی تانجے کوئے وی اس دوران غلط معلومات غے ذریعے سماجی انتشار نہ پھیلا سکے۔ اور بھارتی چناؤ کمیشن غا جاری کردہ تمام چناوی ضابطہ اخلاق غی پاسداری سب واسطے لازمی ہے۔ اس بارے جموں کشمیر چیف الیکٹورل افسر نے عوام تے تمام تر سیا سی پارٹیاں نانہہ کہیو ہے جے یوٹی مانہ انتخابات دوران جمہوری اقدار نانہہ پیش پیش رکھیو جائے اور عام شہری چناؤ ضابطہ اخلاق غی خلاف ورزی کرن آلاں بارے سی ویجیل ایپ غے ذریعے جانکاری دے سکیں۔

\*\*\*\*\*

## SVEEP Reasi

سماجی بہبود محکمہ نے ریاسی غا نرسینگ کالج غے سنگ مل غے سویپ مہم غے تحت ضلع مانہ طالب علماں نانہہ چناؤ بارے بیدار کیو۔ اس بیداری تقریب مانہ متی تعداد مانہ بچاں تے بچیاں نے حصو لیو۔ اس بیداری تقریب غا انعقاد کرن غو خاص مقصد اُن لوکاں نانہہ بیدار کرنوتھو جھیڑا جے اپنا حق رائے دہندگی غو استعمال پہلی بار کر رہیا ہیں۔ اس سلسلہ مانہ گل کرتاں واں سماجی بہبود محکمہ غی اک اہلکار مونیکا شرما نے اس طرح کہیو۔۔۔ بانٹ۔۔۔

\*\*\*\*\*

## MCC Rajouri

چناوی ضابطہ اخلاق ضلع راجوری مانہ پورا زور سنگ لاگو کیو کیو ہے تے ضلع انتظامیہ راجوری نے 15 رکنی فلائنگ سکاڈ بنا غے ضلع مانہ چناؤ ضابطہ اخلاق لاگو کرایو ہے۔ ضلع انتظامیہ راجوری نے یاہ ٹیم بنائی ہے جہیڑی جے سی ایجل ایپ غے ذریعے اپنی نظر رکھے گی۔ ضلع چناؤ افسر راجوری نے تمام سیا سی لیڈراں تے لوکاں ناہہ اپیل کی ہے جے وے چناؤ ناہہ صاف و شفاف کران مانہ انتظامیہ غی مدد کریں۔ اس سلسلہ مانہ بولتاں واں ضلع چناؤ افسر ابھشیک شرما نے اس طرح کہیو۔۔ بانٹ۔۔

\*\*\*\*\*

## DC Udhmapur Training

بھارتی چناؤ کمیشن غی ہدایت غے مطابق بکھ بکھ قسم غا تربیتی پروگرام تے تیاری کی جا رہی ہے۔ اسی سلسلہ مانہ ضلع اڈھم پور ر غا کا نفرنس حال ڈی سی افس مانہ تربیتی پروگرام منعقد کرایو گیو۔ جس مانہ ضلع غا زونل افسراں تے سیکٹر افسراں ناہہ چناؤ با رے تربیت دتی گئی۔ اس تربیتی پروگرام مانہ ضلع چناؤ افسر سلونی رائے نے خصوصی طور ر شرکت کی۔ قابل ذکر ہے جے ان افسراں ناہہ چناؤ با رے تربیت دین غو خاص مقصد اسمبلی انتخابات ناہہ صاف و شفاف طریقہ سنگ کرانو ہے۔ اس موقعہ ور بولتاں واں ضلع چناؤ افسر سلونی رائے نے اس طرح کہیو۔۔ بانٹ۔۔

\*\*\*\*\*